

欽定古今圖書集成方輿彙編職方典

第二十二卷目錄

順天府部彙考十五

順天府古蹟考一

職方典第二十二卷

順天府部彙考十五

順天府古蹟考一 通志府縣志合載

本府 卷大 二縣附郭

陽鄉城 在府西南漢縣晉改長鄉齊省入涿郡

舊燕城 在府西南遼金故都也遼史云晉高祖以遼有援立功割幽州等十六州以獻太宗

升爲南京又曰燕京方三十六里爲門八東曰安東迎春南曰開陽丹鳳西曰顯西清晉北曰

通天拱辰大內在西南隅金史云天德三年命張浩等增廣燕城門爲十三東曰施仁宣耀陽

春南曰景風豐宜端禮西曰麗澤顯華彰義北曰會城通元崇智光泰

開城 在府城西南三十五里南有二石獸披雲樓 在府南舊有題額披雲樓三字元時

建按夢餘錄額金章宗手書上有遠樹影風雨晦明皆見

燕角樓 在府西南十五里遼時建

齊政樓 在府城西北東岸元時建

未平館 在府南十一里一名碣石館遼朝士宴集之所

望京館 在府東北五十里孫侯村遼時建爲南北使宿息餞飲之所按夢餘錄宋王曾上契

丹事曰出燕京北門至望京館即此

拜郊臺 在府城西南七里金大定間拜郊於此

祭星臺 在府西北

聚燕臺 在府城東南九十里采育村有阜高一丈廣三四十尺曰聚燕臺歲秋社燕辭巢日

京畿城村燕必各將其雛數千百聚此臺呢喃二日乃去或曰話別或曰約群南歸也

釣魚臺 在阜成門外南十里花園村古花園後爲村今平曠矣金主鬱釣魚臺有泉湧地出

爲玉淵池古今人呼鬱臺呼釣臺且呼釣魚臺元丁氏亭馬文友亭今不臺亦不亭堤柳四垂

置一榭水置一舟沙汀鳥聞曲房人蓬藤花一架自萬曆初爲李皇親墅

東郭草亭 在府城東南明興濟伯楊善別墅玉淵亭 在府內玉淵潭俗呼百官廳元士大夫休暇遊宴之所金主鬱釣魚臺

南野亭 在府城南元時建按夢餘錄前臨淵水繞亭多花草

玩芳亭 在府城南元栗院使別墅按春明夢餘錄亭左右多名花異卉一時文人騷客多有

題咏

飛泉亭 在府西北三十五里五華山湧泉出按夢餘錄建亭山上以翼之泉水東南流逾尋丈許伏而不見至玉泉山址湧出蓋玉泉之源也

玉泉亭 在府城玉泉山明宣德間建

天主堂 在宣武門內東城隅大西洋奉耶穌之教者利瑪竇自歐羅巴國航海九萬里入中國明神宗命給廩賜第此邸邸左建天主堂堂

製狹長上如覆帳傍繪疏藻繪詭異其國藻也供耶穌像其上畫像也望之如聖貌三十許人

左手把渾天圖右叉指若方論說次指所說者鬚眉豎者如怒揚者如喜耳隆其輪鼻隆其準

目容有矚口容有聲中國畫繢事所不及所具香鐙蓋幃修潔異狀右聖母堂母貌少女手一

兒耶穌也衣非縫製自頂被體按耶穌釋略曰耶穌譯言拯世者尊主降生後之名也陡

斯造天地萬物無始終形際因人始亞當以阿禮言不奉陡斯降世技諸罪過入漢哀帝二年

庚申誕於如德亞國童女瑪利亞身而以耶穌稱居世二十三年般雀比刺多以國法死之死

三日生二日昇去死者明人也復生而昇者明天也其教耶穌曰契利斯督法主曰俾斯破

傳法者曰撒責而鐸德奉教者曰契利斯當祭陡斯以七日曰米撒于耶穌降生昇天等日曰

大米撒刻有天學實義等書行世其國俗工奇器若簡平儀龍尾車沙漏遠鏡候鐘天琴之屬

欽定古今圖書集成方輿彙編職方典

第二十二卷目錄

順天府部彙考十五

順天府古蹟考一

職方典第二十二卷

順天府部彙考十五

順天府古蹟考一 通志府縣志合載

本府 卷大 二縣附郭

陽鄉城 在府西南漢縣晉改長鄉齊省入涿郡

舊燕城 在府西南遼金故都也遼史云晉高祖以遼有援立功割幽州等十六州以獻太宗

升爲南京又曰燕京方三十六里爲門八東曰安東迎春南曰開陽丹鳳西曰顯西清晉北曰

通天拱辰大內在西南隅金史云天德三年命張浩等增廣燕城門爲十三東曰施仁宣耀陽

春南曰景風豐宜端禮西曰麗澤顯華彰義北曰會城通元崇智光泰

開城 在府城西南三十五里南有二石獸披雲樓 在府南舊有題額披雲樓三字元時

建按夢餘錄額金章宗手書上有遠樹影風雨晦明皆見

燕角樓 在府西南十五里遼時建

齊政樓 在府城西北東岸元時建

未平館 在府南十一里一名碣石館遼朝士宴集之所

望京館 在府東北五十里孫侯村遼時建爲南北使宿息餞飲之所按夢餘錄宋王曾上契

丹事曰出燕京北門至望京館即此

拜郊臺 在府城西南七里金大定間拜郊於此

祭星臺 在府西北

聚燕臺 在府城東南九十里采育村有阜高一丈廣三四十尺曰聚燕臺歲秋社燕辭巢日

京畿城村燕必各將其雛數千百聚此臺呢喃二日乃去或曰話別或曰約群南歸也

釣魚臺 在阜成門外南十里花園村古花園後爲村今平曠矣金主鬱釣魚臺有泉湧地出

爲玉淵池古今人呼鬱臺呼釣臺且呼釣魚臺元丁氏亭馬文友亭今不臺亦不亭堤柳四垂

置一榭水置一舟沙汀鳥間曲房人蓬藤花一架自萬曆初爲李皇親墅

東郭草亭 在府城東南明興濟伯楊善別墅

玉淵亭 在府內玉淵潭俗呼百官廳元士大夫休暇遊宴之所金主鬱釣魚臺

南野亭 在府城南元時建按夢餘錄前臨淵水繞亭多花草

玩芳亭 在府城南元栗院使別墅按春明夢餘錄亭左右多名花異卉一時文人騷客多有

題咏

飛泉亭 在府西北三十五里五華山湧泉出按夢餘錄建亭山上以翼之泉水東南流迤尋丈許伏而不見至玉泉山址湧出蓋玉泉之源也

玉泉亭 在府城玉泉山明宣德間建

天主堂 在宣武門內東城隅大西洋奉耶穌之教者利瑪竇自歐羅巴國航海九萬里入中國明神宗命給廩賜第此邸邸左建天主堂堂

製狹長上如覆帳傍繪疏藻繪詭異其國藻也供耶穌像其上畫像也望之如聖貌三十許人

左手把渾天圖右叉指若方論說次指所說者鬚眉豎者如怒揚者如喜耳隆其輪鼻隆其準

目容有矚口容有聲中國畫繢事所不及所具香鑪蓋幃修潔異狀右聖母堂母貌少女手一

兒耶穌也衣非縫製自頂被體按耶穌釋略曰耶穌譯言拯世者尊主降生後之名也陡

斯造天地萬物無始終形際因人始亞當以阿禮言不奉陡斯降世技諸罪過入漢哀帝二年

庚申誕於如德亞國童女瑪利亞身而以耶穌稱居世二十三年般雀比刺多以國法死之

三日生二日昇去死者明人也復生而昇者明天也其教耶穌曰契利斯督法主曰俾斯破

傳法者曰撒責而鐸德奉教者曰契利斯當祭陡斯以七日曰米撒于耶穌降生昇天等日曰

大米撒刻有天學實義等書行世其國俗工奇器若簡平儀龍尾車沙漏遠鏡候鐘天琴之屬

馬寶亡其友龐迪峨龍華氏輩代主其教教法友而不師師耶蘇也中國有學焉者奉其配格勒西亞七式

萬柳堂 在府城南元康希憲別墅輟耕錄堂池數畝多蓮繞池植柳每夏柳陰連香風景可愛盧肇趙孟頫嘗遊宴於此

遂初堂 在府城南元康事張九思別墅嘗與公卿大夫觴咏於此從容論說古今云

摩訶菴 景物略曰在阜城門外八里嘉靖丙午建也高軒待吟幽室隱讀柳花榆錢松子飛落時滿院中詩僧非幻琴僧無弦與客耦具萬曆中宇內無事士大夫朝參公座優曠閑疎爲

與非幻吟爲聽無弦琴住斯菴也淡日淡辰蓋不勝記留詩菴中久成映焉菴有樓以望西山天啓中魏增過菴下偶指樓曰去之即日毀

自是人相戒不過僧日畏不測漸逃死菴則漸廢東法藏菴無別院也西大乘菴與摩訶菴盛相妒衰相後先

中峯菴 中西山而領焉莫高中峯菴峯意左顧其左支張而左左澗水從之晏公祠翠巖寺永壽菴宅山陰門水陽其右支送而亦左右澗

水拾之弘教寺宅山陽門水陰兩澗右會而橋橋邊而門門冠塔三尺弘教寺門也入中峯左右嶂率是門也游者難嶺上之末壽菴而樂翠巖之麓今去不復入矣翠巖先有老梧桐數株游人詩多成其下擇梧葉書之寺有僧怪客

不攜金錢伐桐賣琴肆中又一夕火其精舍以

絕讀書者自是僧榻廚間客來坐佛殿也竟過翠巖則入晏公祠出乎祠坡數十步臨危磴千百者三中峯菴矣菴地盡石無土塔磴徑都可枕藉臥不生一塵實無塵也不以風拂不以雨盪濯松滿院響護護然左右故澗澗澗石會當疾流今即澗而墮者偃者橫直臥者立者背相負者未止輒止者方轉未畢轉者猶怒松風出入石根中淨滑詭曲不可撲矣澗南上弘教寺廢寺也三木歡喜佛蹲右配殿中游者往往藉其重腹下曰宜男也

雀兒菴 在潭柘後山五里千峯萬峯中四時樹色四時蟲鳥聲中菴方丈耳一盤滿光一香滿煙然佛容飽客供几僧容席密榻客廚客來客坐菴矣山田給粥飯葉給湯飲蔬果給棧餌菴矣菴名雀兒者金章宗幸此彈雀彈往雀下百發不虛蓋山無人雀無機樹有響弦無聲也章宗喜即行帳菴之曰雀兒後方僧來往未悉本所名義以隱造佛母孔雀明王佛像又後僧曰明王佛修行處或又曰顯化處也今者僧確然對客曰孔雀菴也雀兒名爲當更而人呼雀兒菴如初

萬松老人塔 在西華門外萬松老人金元間僧也兼備儒釋機辯無際自稱萬松野老人稱之曰萬松老人居燕京從容菴漆木耶律楚材一見老人遂絕迹屏家廢餐參學三年老人以湛然目之後以所評唱天童頌古三卷寄楚材於西域阿里馬城曰從容錄自言著語出眼

臨機不讓也楚材序而傳至今老人寂後無知塔處者今乾石橋之北有碑斲七級高丈五尺不尖而平年草榮其頂群號之曰碑塔無間塔中僧者不知何年人倚塔造屋外望如塔穿屋出居者猶闕塔占其堂奧地也又不知何年居者爲酒食店豕肩挂塔簾酒甕環砌刀砧就就塔磚礪醉人倚而拍拍歌呼漫罵二百年不見香燈矣明萬曆三十四年僧樂菴訝塔處店中入而周視有石額五字焉曰萬松老人塔僧禮拜號懺募貲贖而居守之雖塔穿屋如故然甕肩酒甕刀砧遠矣

蜘蛛塔 明翰林編修黃軒輝詞翰名海內寓府西慈惠寺嘗與金剛經見蜘蛛絲案上正中立向佛而伏驅之蹣跚復來就前位伏悞軒曰聽經來者爲誦終經爲說情想因緣竟蜘蛛寂然矣舉之而輕遺蛻耳以沙門法龕之塔之碑之

雙塔 在西長安街雙塔一九級右列額曰特贈光天普照佛日圓明海雲佑聖國師之塔一七級左列額曰佛日圓照大禪師可菴之靈塔考其地元慶壽寺也海雲可菴元僧也明末樂姚少師居慶壽寺更名大興隆舊有金章宗石刻飛渡橋飛虹橋六大大字寺災石刻燬後爲射圃尋有金鼓聲徹內庭改演象所或曰元之舊獄冤鬼夜鳴塔以鎮之寺有塔者已詳前兩廟考中此特因塔係古蹟重見法藏寺塔 在崇文門外金大定中建有明祭酒胡漢沙門道孚二碑高十丈中空凡七級窻

酒胡漢沙門道孚二碑高十丈中空凡七級窻

八盤盤而上九門之堞全在望焉

香爐石

蟾蜍石

碁盤石

俱在府西香山

坐海石 在府西百花山

藉山會館唐大士像 尉遲敬德造自唐貞觀

至今一千五十餘年銅身三尺不以髹塑不以

金塗飾妙相慈顏端若而丈夫具磊磊然也

舊供宣武門外普陽菴廢內侍朱移像受水

塘彫古佛菴供之菴今又廢像復移置藉山會

館

周宣王石鼓 按夢餘錄在國子監廟門內京

師石刻莫古於宣王獵碣其形如鼓其數盈十

蓋周宣王田獵之事史籀之迹也舊在陳倉野

中韓昌黎爲博士時請於祭酒欲與之太學不

從鄭餘慶遷之鳳翔文廟經五代之亂遂散失

宋司馬池知鳳翔復章至府學無已失其一皇

祐四年向傳師搜足大觀二年歸於汴京詔以

金填其文初置辟雍後移寶和殿金人破汴輦

至燕臺置王宣撫家復移大興府學元皇慶移

至文廟戟門內其文漫滅不可讀潘迪音訓載

四百九十四字薛尚功帖載四百五十一今存

三百二十五字楊慎曰此文在太學潘迪有音

訓凡四百九十四字予得唐人拓本於李文正

凡七百二字蓋全文也嘗刻之木以傳矣然都

元敬金雍篇劉梅國廣文選所收仍是殘缺四

百九十四字本蓋亦未見此也陸深曰石鼓詩

先儒辯論至多蓋風雅之遺云鼓今在北監字

爲司業祭酒慮其泐也欲扇鑰之而不果別有

樹碑一元司業潘迪以今文寫之仍其舊闕潘

碑與古蹟有存亡矣潘仕大德間虞文靖公集

助教成均時嘗謂十鼓其一已無字其一惟存

數字潘廬相去不遠其言如此今去之又將二

百年石可知矣詩之存者頗賴諸家文字集錄

以傳石顧足恃哉博洽之儒如王順伯鄭漁仲

又好古而搜訪訓釋靡餘力矣咸存斷闕焉歐

陽公集古所錄才四百六十有字胡世將查

古所錄僅多九字乃稱先世藏本集古錄之前

孫巨源於佛龕中得唐人所錄古文乃有四百

九十七字視查古又前矣又前之則韓公所見

紙本已謂毫髮備盡復有年深闕書之歎韋應

物亦謂風雨闕訛而杜工部直云陳倉石鼓久

已訛其上下世數如此近世吾衍子行九號博

雅自謂以甲秀堂譜圖隨鼓形補闕字列錢爲

文以求章句又參以薛尚功款識諸作斯已勤

矣亦僅得四百三十餘字每鼓列行裁分爲十

而章句次第又與諸家不同子行介士未嘗入

燕止於畫中見鼓爾不知近日何緣得此十詩

若所從來果有的據豈非千古之一快哉如以

補綴爲奇固不若闕疑之爲愈也

甲鼓文 我車既攻我馬既同我車既好我馬

既駐君子云獵云獵云遊鹿鹿速速君子之求

彎彎自弓弓茲以時我驅其時其來俱德德

良矣即御即時鹿鹿速速其來大奎我驅其僕

其來續續射其豚屬

乙鼓文 汧緊泛泛丞彼潮淵鯉鯉處之君子

漁之漫漫有鯢其遊微微白魚鱗鱗其羣底鮮

黃白其鰓有鮒有白其胡孔庶爾之莫莫洋洋

越越其魚惟何惟鯢惟鯢何以囊之惟楊及柳

丙鼓文 田車孔安鑿勒駉駉六師既簡左驂

翻翻右驂驪驪我以騁于原我戎止陸官車其

寫秀弓時射虞豕孔庶鹿鹿雉免其原有迪其

戎奔奔大車出洛亞獸白澤我執而勿射多庶

達達君子乃樂

丁鼓文 帥彼鑾車忽速填如秀弓孔碩彤矢

英英四馬其寫六轡沃若徒駉孔庶駉駉宜博

會車載道如徒如章章原隰陰陽趨趨六馬射

之簇簇有羶如虎獸鹿如兕怡爾多賢迪禽奉

雉我免允異

戊鼓文 我來自東靈雨奔流逆湧盈盈深隰

君子既涉我馬流汧汧緊泊淒淒士駕言西歸

舫舟自鄆徒駉連連惟舟以道或陰或陽板深

以戶出于水一方丞徒俾止其奔我以阻其乃

事

己鼓文 宣猷作原作周導過我辭攸除帥彼

阪田莽爲世里希微微微乃罟漆栗梓械其拔

櫻格庸庸鳴條亞第其華何爲所旂凝凝水盪

導旨樹幽暗

庚鼓文 徒御嘽嘽然而師旅填然會同又繹

以佐戎障弓矢孔庶滔滔是識射夫寫矢具奪

舉學其徒吁來或羣或友悉率左右燕樂天子

來嗣王始振振復古我來攸止

辛鼓文 彼走驕驕馬應暫華華雉毘位多

庶微我師氏憲憲文武何其之一

王鼓文 我水既淨我道既平我行既止嘉樹

則里天子未寧日惟丙申旭日杲杲我其旁導

乘馬既迪致夏康康駕彼四黃左驂驂駟右驂

驂駟榮戟以乘汝不執德旂翰黎黎旂旂旂旂

施公謂大來余及如茲邑曷不余及

癸鼓文 吳人憐承朝夕傲惕載西載北勿奄

勿伐若而出奇進獻用特歸格藝祖告于太祖

神嘗受享致其方藝寓逢中固孔庶應鹿原臨

既坦疆理囑囑大田不蒐君子何求有謀有始

周爰止于是

張懷瓘曰按籀文者周史籀所作也與古文大

篆小異後人以名稱書謂之籀文七略曰史籀

者周時史官教學童書也與孔氏壁中古文異

體鄧酈定六書二曰奇字是也其迹有石鼓文

存焉陳倉李斯小篆兼采其意史籀即籀文之

祖也

娑羅樹 在府城西山臥佛寺殿前大三圍皮

鱗鱗然根盡出纍纍露筋花九房葉七開實三

稜叩之丁丁有聲周圍殿墀數百年不見日月

相傳西域種也初入中國參山天台與此共三

處

菩提樹 在府西二百六十里百花山

元松 在國子監彝倫堂前許衡手植

螞蟥墳 在府南苑西北歲清明日蟻億萬集

壘而成丘中一丘高丈旁三四丘高各數尺竟

日而散去今土人每清明節羣往觀之曰螞蟥

墳傳是遼將伐金全軍沒此骨不歸矣魂無主

者故化為蟲沙感于節序其有焉

百斤鐵鎗 在府城阜成門外三十六里寧山

莫石鎗 在府西百花山

夢感泉 在府西香山

鐵牛 在舊燕城東南有土埋鐵牛露脊都人

立祠

護駕松 在府西香山

萬年柏 在府西三十里盧師山祕魔崖洞上

產于石長僅尺不凋不榮隋仁壽中盧師手植

也

古藤 在吏部右堂侍郎吳文定公寬手植

優鉢羅花 在禮部儀制司金蓮花也開必自

四月八日至冬而實如鬼蓮蓬脫去其衣中金

色佛一尊者核也花不知何人植之而奇以其

花今其種不存

拗榆錢 在天壇內榆錢方春而結此獨秋實

故名拗

魚藻池 在正陽門東南景物略曰金故有魚

藻池今曰金魚池舊志云池上有殿榜以瑤池

殿之址今不可尋居人界而塘之柳垂覆之歲

種金魚以為業魚之種深赤曰金堂白曰銀雪

質墨章赤質黃章曰瑋瑋其魚金貴乎其銀周

之其魚銀貴乎其金周之而別以管若龜管者

鬣下而尾上周其身者也龜者不及鬣周其尾

者也魚有異種者有蝦種者種故善變飼以菜

小蟲魚則白則黃黃則赤無生而赤者天將

雨魚拍拍出水面水底蒸如熱湯也歲穀雨後

魚則市大者歸他池若治小者歸盆若益若琉

璃瓶可得旦夕遊活耳歲盛夏遊人攜壺飲此

投餅餌噉啣有聲其大者銜餌竟去池陰一帶

園亭多於人家南抵天壇一望空闊歲午日走

馬於此關西胡侍曰端午走馬金元瞻柳遺意

也瞻柳今名射柳

滿井 出安定門外循古壕而東五里見古井

井面五尺無收有幹幹石三尺井高於地泉高

於井四時不落百畝一潤所謂溫泉也泉名則

勞勞則不幽不幽則不瀟瀟而滿井傍藤老鮮

草深煙中藏小亭盡不見日春初柳黃時麥田

以井故鬻鮓鮓且秀遊人泉而茗者壘而歌者

村裝而蹇者道相屬

丹井 在府西香山

中心閣 在府西元時建以其在郡城中故名

東十餘步有臺緣以垣臺上有碑刻中心臺三

字

古銅人 在大醫院相傳海中潮出者虛中注

水關竅畢通用以考驗鍼灸古色蒼碧覺然射

日

古墨齋 在宛平縣署明萬曆初河南內鄉李

蔭介宛平發地得杜礎六微有字跡洗視之唐

李北海雲麾將軍碑也字畫如顏魯公體碑存

百八十餘字碑首存唐故雲二字築小室砌碑

壁間曰古墨齋

石鑑 在府城吉祥巷內明時吳僧真程自雲棲來其吉祥而居發古燈下得石幢一式如燈臺傍鑄心經一部廣德二年少府裴監施朝請郎趙偃書因改名石鑑庵
拜碑 在府西潭柘山

以下府志

簡儀 在瞻象臺元耶律楚材率郭守敬造推索不失銖黍天巧鬼工殆稱絕技

銅馬門 在舊燕城東南隅即古薊城門城有十門此其一也昔燕幕客舊得奇馬鑄銅像之置之東掖後人因以名門

凝翠樓 在高梁河南元建

夢婆亭 在廣寧門內元詞客馬文友別墅

元石 在明英國公園內一石奇質元內府國鎮也上刻元年月下列元璽當賜第時二石與俱矣

金井 在府南魏村社永樂偶飲而甘之遂命

甃焉

金口 在府西三十五里東麻谷即蘆溝東崖金開以通漕運下視都城高十四丈金末恐暴漲爲害塞之元復開復塞

百花陀 在府西一百二十里王平口四圍皆山中有平川約十畝地煖而肥產杉漆藥草春夏紫紅爛漫金章宗嘗遊幸焉所憩石牀尚存折枝柏 在顯靈宮西殿枝去幹委地屏於窗中二百餘年愈覺葱茂相傳東輔爲薩君殿西

弼爲王師殿王師蓋薩君弟子像對相望百年前夜雨霹靂曉見柏垂當門爲屏矣

西府海棠 在左安門外阜寧寺約五尋花時甚盛報國寺西方丈二株約三尋

崇文閣 元人建于國學按金彝倫堂是其故址

白塔 在阜成門內妙應寺建于遼壽隆二年相傳內藏法寶種種至元八年世祖發觀之舍利二十粒青泥小塔二千石函銅瓶香水盈滿

前二龍王跪而守護案上無垢淨光陀羅尼五部軸以水晶珠金石珠爲異果十種列爲供瓶底一錢錢文至元通寶四字世祖驚異乃加崇飾銅網石欄焉或言遼主于燕京五方鎮以塔塔五色兵燹後惟白塔靈異特存

天寧寺塔 在廣寧門外西北相傳隋文帝遇阿羅漢授舍利一裹與法師曇遷數之數多數少莫能定乃以七寶函致雍岐等三十州州各

一塔今天寧寺塔其一也塔高三十三尋四角綴鐸風定風作音無斷際凡音徹則光見或歲一見或數歲一見青白光上下閃爍久之乃定則

鐸聲發塔前一幢隨開皇中立塔倒影在大士殿日方中闕殿中門日入門鐸塔全影倒現石

上

水關 京城之水自西北入由東南出而東流爲運河入而匯聚若湖然曰水關關東距德勝門南距西直門澄泓一片周迴數里其水深處魚生焉淺處荷蕒焉蘆荻蒼蒼焉環岸寺

焉園亭焉而水北淨業寺名最著遊人宜夏亦宜秋俯窺仰眺各有所宜也冬仲水冰矣土人爲木牀真冰上鐵其下繩引其前一人拽而疾走三四人安坐如舟車倏忽到岸

黑龍潭 入金山口北八里有甃垣方門綠樹幽陰者明景帝寢廟也再北二里一丘一碑碑

曰天下大師之墓者建文君墓也又北小山繫鼎小岡層層碧殿朱垣倚闕而立者龍王廟也廟前爲潭幹四丈水二尺有光無色內物悉形

外物悉影是爲黑龍潭黑龍潛焉明萬曆二十六年夏四月旱甚遣正一嗣教張真人之潭而禱雨澤如期加護國勅號碑勒之嗣後禱輒應應輒紀而勒之石

戒壇 京城中西望一山高秀如駝之峯如側方山子之冠者戒壇後五里極樂峯也遠望翠黛有加近亦不減其去城蓋七十里矣過永慶庵一里至寺唐名慧聚明更萬壽正統中勅如

幻律師說戒寺中立壇焉坊西向曰選佛場殿前二松已數百年殿內爲壇白石臺三級周列戒神數百高二尺者二十四戎服執械餘皆高

尺作妖鬼男女容其部也設香木座十上三座中座衣鉢傳燈和尚左坐羯磨阿闍黎右坐教

授阿闍黎旁左三右四尊證阿闍黎坐也壇而南優婆塞殿供優婆塞尊者佛十大弟子中持戒第一者也上千佛閣俯視運河三面勾曲如

玦閣之下幻師安禪處衣鉢藏焉西上石徑直懸可以任杖雲段投橫之雲外蒼秀高聳者峯

矣道經八洞初觀音洞大于半屋居一僧乃無鳥雀糧再化陽洞洞口垂紫綠幕百年花藤也乘炬攀藤以入始也石繼而土幸燥不苦如行智井中可半里有龍有魚有獅坐石所擬也再入寬廣可旋有石佛危坐工所鑿矣西僻一隙下與渾河通名龍涓洞又一各孫膺洞膺燕人好事者名之耳再西上五里方至峰巒峰下又洞石乳滴痕滿之人坐洞中遠峰近峰競來拱向如兒孫

府志未詳古蹟

本府

燕城古蹟見於元人葛邏祿通賢文集者一曰黃金臺大悲閣醜臺坊內二曰憫忠閣唐太宗憫征遼士卒而建三曰壽安殿四曰聖安寺寺有金世宗金章宗二朝像五曰大悲閣閣榜處世南書六曰鐵牛廟七曰雲仙臺金之望月臺八曰長春宮神仙丘處機之居九曰竹林寺金熙宗駙馬宮也寺僧云一塔無影十曰龍頭觀十一曰妝臺李妃築在昭明觀後妃嘗與章宗露坐上曰二人土上坐妃應聲曰一月日邊明十二曰雙塔安祿山史思明所建在憫忠寺前十三曰西華潭金之太液池十四曰白馬廟十五曰萬壽寺寺有許道寧畫屏十六曰玉虛宮黃金臺在城東南一十六里小金臺在府東南一十五里梁任昉述異記燕王為郭槐築臺今在幽州燕王故城中土人呼為賢士臺亦謂招賢臺又王隱晉書投石碑

討石勒屯故燕太子丹黃金臺蓋燕昭王創臺於前子丹踵之於後今人知昭王而不知子丹展臺在京西南與碭石宮俱燕昭王展賢之地

采育 乃古安次縣采魏里也明初為上林苑改名蕃育署而人仍呼采育今新舊而名之也去都城七十里其地水木清華最稱佳境

西山八院 金章宗為遊宴之所其香水院在京山口石碑尚存稍東為清水院今改為大覺寺玉泉山有芙蓉殿基存鹿園在東便門外通惠河邊瓊花島在禁城西北太液池之陽當蒙

古初起時臣服于金其境內有一山石皆玲瓏勢甚秀峭金人望氣者謂望此山有王氣因謀欲厭勝之使人言欲移得此山以鎮壓我土蒙

古遂許之金人乃發大卒鑿掘輦運至幽州城之北積聚成山因挑開海子栽植花木營構宮室以為遊幸之所元人遂金遷汴建都于燕至

元四年與築宮城山適在禁中遂賜命萬歲山山上有廣寒殿七間仁智殿則在半山為屋三間山前白玉石橋長二百尺直儀天殿後殿在

太液池中圓坻上十一楹正對萬歲山之東為靈囿奇獸珍禽在焉車駕幸上都先宴百官於此及明成祖建宮闕益加修治以其在西北

又名長嶽宣廟有長嶽記先朝盛時海宇恬熙每遇休沐輒賜大臣遊覽

廣寒殿 宣德御製記北京之萬歲山在宮城西北隅周迴數里而崇倍之皆奇石積疊以成

太宗文皇帝萬歲之暇燕遊於此顧茲山而論朕曰此宋之艮嶽也宋之不振以是金不戒而徙于茲元又不戒而加侈焉云云據舊志謂金人取於蒙古境內者宜廟謂即宋之艮嶽金人徙之於此當以宣廟之記為確

長春宮 即今之白雲觀元以居真人丘處機之處真人登州人年十九辭家學道遼金俱聘之不至成吉思皇帝手詔致聘真人乃至行在所延問至道對以節慾保躬天道惡殺治尚無

為賜居大都太極宮賜號曰長春年八十卒其徒葬于處順堂之後

王文安園 王文安英有園在城西北種植稼蔬井傍小亭環以垂柳公餘輿翰苑諸公宴集其地

楊文敏園 榮杏園文敏隨駕北來賜第王府街植杏第傍久之成林

梁園 在京城之西南廢城邊引凉水河入其中亭樹花木極一時之盛

海月菴 在皇牆之西乃吳文定寬之居文定在翰苑及佐銓日以讀書為事公餘披白粉黛案錄書如儒生至今傳之

文淵閣石臺芍藥 其花較時花碩而麗大學士櫛之私第者傳玩數日不落

月河梵苑 僧道深別院池亭幽雅甲於都邑懷麓堂 李文正第堂名也公名東陽字賓之茶陵人以戌籍居京師四歲舉神童景皇帝抱置諸膝六歲八歲兩召見講尚書大義命人京

學天順八年進士累官少師兼太子太師吏部尚書華蓋殿大學士正德七年致仕又四年卒年七十諡文正公歿後故第業已易主嘉靖乙酉耿公定向贖回構一小祠塑公遺像其中內有一楹貯公紵衫及小朱履蓋幼時所著以見上者楹上耿公刻銘

文衡山客舍 文衡山在詞林日寓居禁城東玉河岸春水一灣新柳繫繫每集文人吟咏其中書自作燕山客舍圖題云燕山二月已春酣宮柳垂煙水映藍屋角疎花紅自好看終不是江南

古雲山秀 米太僕萬鍾之居也太僕好奇石蓄置其中其最著者為非石數峯孤聳儼然小九子也又一黃石高四尺通體玲瓏光潤如玉一青石高七尺形如片雲欲墮後刻元符元年二月丙申米芾題又有潤濱浮玉四篆字太僕常以所蓄石令閩人吳文仲繪為一卷董元宰李本寧書為之題古今好石者自襄陽後人輒稱太僕云

海澱米太僕勺園 園僅百畝一望盡水長堤大橋幽亭曲榭路窮則舟舟窮則郭高柳掩之一望靡際傍為李威晚園鉅麗之甚然遊者必稱米園焉

海澱李威晚園 方廣十餘里中建挹海堂堂北有亭亭懸清雅二字明肅太后手書也亭一望盡牡丹石間之芍藥間之瀨於水則已飛橋而汀橋下金鉤長者五尺澄而北一望皆荷望

盡而山婉轉起伏殆如真山山畔有樓樓上有臺西山秀色出手可挹園中水程十數里嶼石百座靈壁太湖錦川百計喬木千計竹萬計花億萬計園中葉向高曰李園不酸米園不俗張惠安牡丹園 在嘉興觀西其堂室一大宅其後植牡丹數百畝每當開日主人坐小竹輿行花中竟日乃徧

垂綸亭 元學士宋本故居在都城之西漱芳亭 在齊化門外道士吳閑全節所建燕地未有梅花吳從江南移至作亭以覆之張伯雨賦詩有風沙不憚五千里將身跳入神仙壺之句時袁學士伯長謝博士敬德馬御史伯庸吳助教養浩虞修撰伯生皆和之

杏花園 元人董宇定在上東門外植杏千餘株至順辛未王用亨與華陰楊廷鎮高安張質夫蕭陽陳衆仲譙集是日風清氣美飛英時至中袖杯盤之上皆有詩虞集為之記周伯琦揭傒斯歐陽元和其詩京師一時盛傳

定武本蘭亭叙 在國學東廂唐太宗留心右軍之蹟因魏徵言蘭亭叙真蹟在僧辨才處特遣御史蕭翼賺得武德四年叙入秦府貞觀十年始命湯普徹馮承素諸葛貞歐陽詢褚遂良各有臨本而歐褚留傳最著後之所謂定武本歐臨是也所謂唐絹本褚臨是也定武本當時石刻禁中每紙已值錢數萬迨後石晉之亂契丹輩之而北路棄殺胡林慶曆中李學究得之其子負官緝無償時宋景文守定武乃以幣金

代價納石於庫熙寧間薛師正出收刊一別本以應求者此郡真贋已有二刻矣其子紹彭字道祖又模之他石滑易古刻又剔損古刻湍流帶左右五字為識大觀中詔向其子嗣昌取龜宣和殿後靖康之亂金人取石鼓及蘭亭叙重甃輦至於燕見宋人姜白石蘭亭考中石鼓在國學而蘭亭不知所在矣今存國學者疑是定州薛師正翻刻本或薛紹彭所刻本雖非古刻然元人不能也此石一云明初出天師庵土中一云元順帝北還重甃輦載棄之於路徐中山取置國學

唐雲麾將軍李秀碑 靈昌郡太守李邕文並書逸人太原郭卓然模勒并題額李秀字元秀范陽人唐元宗朝以功拜雲麾將軍左豹韜衛翊府中郎將封遼西郡開國公卒於開元四年葬范陽福祿鄉碑刻於天寶元年李北海有兩雲麾碑一為李思訓在陝西一為此碑其官同其姓同也然此碑筆法遒逸大勝陝碑秦人有著石墨鐫華者乃以為一碑且以此碑為趙松雪所臨誤矣此碑舊貯良鄉縣庫中不知何時入都城宛平令李蔭掘地得六礎沈視乃雲麾碑建古墨齋以覆之後移少京兆署中止二礎其四礎傳為萬曆中王京兆惟儉掘去泚中范陽郡憫忠寺碑 御史大夫史思明奉為大唐光天大聖文武孝感皇帝敬元垢淨光寶塔頌范陽府功曹參軍兼節度掌書記張不矜撰承奉郎守經略軍曹參軍蘇靈芝書至德二

載十一月十五日建其文書丹於石故以後爲前按唐史肅宗至德二載安祿山已死安慶緒忌史思明之強遣安承慶安守忠阿史那往征兵因密圖之思明納判官耿仁智等之謀乃囚承慶以所部十三郡及兵八萬來降上大喜以思明爲歸義王范陽節度使此碑蓋建於初歸附之時而借以媚唐也靈芝書法整潔較所書諸碑此爲最勝其碑完好乃近人著景物略者謂碑上半斷裂不可讀且蘇靈芝原有其人乃謂爲李北海自名尤誤之甚北海自鐫名乃伏靈芝也

隋大寧寺塔前石幢 開皇時置書體道美楊升庵云最似歐褚筆法

宋仁宗篆書鍼灸經石刻 在太醫院三皇廟內舊在汴中移此燕中無未蹟以其地未奉宋正朔也

漢韓延壽碑 在京西南罕山延壽漢循吏世居於此人呼爲韓家山碑湮滅不可讀

魏征南將軍建城鄉侯劉靖碑 在燕故城東門宋元嘉四年

重修崇國寺碑 至元十一年沙門雪洞建石鼓文音釋碑 潘迪注并八分書

崇文閣藏書記 吳激撰并書

佑聖王靈應碑 至元任杖撰張禮書
天慶寺碑 至元元年學士王惲撰并書
採魏院石塔記 遼景福元年建燕京寶塔寺講律沙門如正述塔在今舊育署

石經碑 在舊燕城南金國子學碑刻春秋禮記今磨滅不完

佑聖王靈應碑 金貞元元年許復書
戒壇聚慧寺碑 大定元年建

大憫忠舍利函記 大安十年義中書
檀栢寺碑 大定十三年建

香山寺碑 李晏撰
大興隆寺碑 李晏撰又章宗書飛虹橋飛渡橋六大字

平遼碑 立燕都豐宜門外史臣韓助撰宇文虛中書舊有詩云十丈豐碑勢倚空風雲猶憶下遼東百年功業秦皇帝一代文章太史公石

斷龍麟秋雨後苔封驚背夕陽中行人立馬空惘悵禾黍離離滿故宮韓助燕京人

隆禧觀碑 在大都東南元學士王惲撰文大都路總治碑 皇慶二年王構撰劉賡書

延祐二年進士題名記 趙孟頫書在國學崇教大師演公碑 皇慶五年趙孟頫書

張天師像贊 趙孟頫書
張天師大道歌 趙孟頫書

座位帖 趙孟頫臨
黃庭經 趙孟頫臨

樂毅論 趙孟頫臨
金丹四百字 趙孟頫書以上四刻俱在國學

慶壽寺碑 編修所次二官王萬慶撰
隋立幽州智泉寺舍利塔 仁壽元年內史令王臣陳宣

隋智泉寺碑 舍利感應記王仰撰

唐秀峰寺石幢心經 貞觀二十二年太宗書
唐重藏舍利記 景福元年沙門南敘述僧智常書

唐石鑿庵心經 廣德二年趙儂書
唐重藏舍利記 會昌六年采師倫書

唐艸書千文 僧亞栖書自云飛鳥出林驚蛇入紳

唐雲居寺石浮屠銘 王大悅撰開元十五年
唐雲居寺石浮屠銘 梁高望書開元十年

唐石經堂記 劉濟撰元和四年
唐金仙公主奏請莊田記 王守泰撰

唐諫書心經 天寶十五年二月一日朝議大夫行尚書武部郎中上柱國徐浩書都人孫氏從墨蹟勒石

唐太尉朱懷珪碑 元載撰李融書
雲居寺續藏石經塔記 遼沙門志才撰天慶八年鐫

華嚴堂經本記 賈志道撰并書至元元年
雲居禪寺藏經記 釋法植撰陳顥篆額至元二年

改修慶豐石閣碑 至元末聚撰
奉安四國公配享碑 至元十六年潘迪八分書

雙塔寺碑 党懷英撰并書舊在西長安門外寺中爲內監取置神道懷英奉符人善篆籀人稱李陽冰之後一人

眞人留園公碑 延祐四年趙孟頫臨
城隍廟碑 至治四年莊文昭書
大都城隍佑聖王廟碑 泰定三年
黃籙大醮碑 泰定二年虞集書
眞人張留孫碑 天曆二年趙孟頫書
昭德殿碑 天曆三年趙世延書
加封先聖父母并夫人及四配制祠碑 至順
元年
大都城隍廟碑 至順二年虞集撰康里夔
書
碧雲庵碑 至順二年
仁聖宮碑 至順二年虞集八分書
碧雲庵碑 元統二年
萬寧寺神御殿碑 至正四年歐陽元撰寺在
鼓樓東內有番字碑二座豐甚
潭柘寺碑 至正八年葛天麟書
崇國寺勅御碑 至正十四年
隆安寺選公傳戒碑 至正二十四年危素書
潭柘寺碑 危素書
護國佑聖王記 至正二十五年吳雲書
長明燈記 至正二十六年
重修順天府學碑 宣德三年大學士楊榮書
文丞相祠碑 未樂楊士奇書
朝天宮記事碑 宣德
潭柘寺碑 正統學士胡濙
大國師智光功行碑 天順
弘光寺碑 內侍高麗鄭同

法藏寺碑 沙門道孚
重修憫忠寺碑 正統七年陳贊
修順天府府學碑 正統十一年陳循
文丞相祠碑 羅倫撰
西大大縣麻藥湯已辨行實碑 天順二年
修朝天宮記事碑 成化
報國寺碑 成化劉成之
大降善護國寺勅碑 成化七年
龍華寺碑 成化八年僧道深撰
眞覺寺御製碑 成化九年
古像觀音大士碑 成化二十三年程敏政
潭柘寺碑 弘治大學士謝遷
大隆善寺勅碑 正德七年
昭應宮殿碑 大學士費宏
修順天府學碑 萬曆府尹李損
萬壽寺碑 萬曆大學士張居正
修龍華寺碑 萬曆朱之蕃
修火德眞君廟碑 萬曆朱之蕃書翁正春撰
文
重修憫忠寺碑 萬曆公翺
壇北藥王廟碑 恭順侯吳惟英
慈慧寺碑 陶望齡撰黃輝書
蜘蛛塔記 黃輝書
正陽門漢前將軍關侯廟碑 焦竑撰董其昌
書
長椿寺水齋傳 米萬鍾書
明因寺傳道記 董其昌書

虞帝廟碑 燕都有虞帝廟不知始於何代其碑則唐貞元間顏眞卿書謂之復廟碑至元時尚在元人王惲文集有大都復虞帝廟碑記謂此碑人屢欲易去壘焉以它用主者心憐恍若有微動乃已後有道士陳志元起長春別院復購之約不犯原刻用石背及來徙碑與跌身身挺植重不克舉道士惕息不敢徙仍安原處其碑著異如此今不可考
石刻九經 元人又有修理大都南京石經事狀云竊見大都南京廟學所有九經石刻刊琢極精近年以來舊制既廢舉皆散亂於荒烟草棘間日就摧圯甚可寶惜且經之遺制自漢唐至今歷代聖王無不尊崇修理蓋重夫經世之大法故也今海宇混一方息馬論道之時據上項石經理人修立以彰國容按九經石刻舊在汴梁學宮金人移置於燕今不復存

欽定古今圖書集成方輿彙編職方典

第二十三卷目錄

順天府部彙考十六

順天府古蹟考二

職方典第二十三卷

順天府部彙考十六

順天府古蹟考二 通志府縣志合載

良鄉縣

廣陽城 在縣東北漢舊縣齊省入薊縣

多寶塔 隋建在燎石岡上五級玲瓏高十五丈圍十丈四門十二階級唐尉遲敬德重修

五古城 在縣東三里許燎石岡上五城分列各去里許修築無考

黑狗臺 在縣南五里許相傳金時里人王恭畜犬甚馴出必隨一日恭醉臥於道傍草間野火延燒犬身混鹽溝河水以濡其草恭藉見草盡濕始知火滅由於犬而犬以力竭斃矣遂負歸築臺葬之

觀蓮池 卽琉璃河下流分出也在邑南三十里立教村西金狀元梁斗南種蓮於此廣六頃今淤平成陸

固安縣

臨鄉 舊城名周惠王與燕臨鄉卽此後省

張華宅 范陽曰張華宅者二其一蘆溝河北岸指是焉耳更無址蹟可尋其一固安縣東北八里張華村頭村人指石井欄八角焉曰故宅處也村今多張姓云是華後亦不復有博辯強記其人者蓋華范陽故有二宅皇初中居隱約而賦鶴鵠及太康中則出督幽州非舊也嘗徙居載書籍三十乘及元康中華難將作畫夢屋壞朝見劍穿屋飛去者雒陽監省舍非范陽屋矣劍當卽豐城所得之干將傳曰華被害失干將所在已飛去不應更一劍也華事載晉書及固安舊志其所著博物志今猶有傳固安戶冊有曰張華里者萬曆中縣令胡其俊編審次重其姓諱更唱曰賢今則編張賢里矣

武陽城 在縣西北燕昭王築今廢

韓侯城 在縣南卽今韓寨營

方城 在縣西南今爲村二城始築莫考

雀臺 在縣西十八里高丈餘廣平數百步相傳趙李牧將臺

歇馬亭 在東嶽廟前元至元十年建

陽鄉城 漢舊縣晉改長鄉

黃金臺 後人易水燕昭王之意亦築臺於此又水經註云固安有黃金臺今廢

永清縣

淮陰城 在縣西八里漢韓信平燕時所築遺址未湮邑人立廟其中

六郎城 在縣信安鎮楊延昭故畧

自來鐘 在縣譙樓上篆文斑駁莫辨路史云唐貞觀末桑乾河決土人得一鐘於水溪遂呼爲自來鐘

文丞相館 宋文天祥北上時館此遠日不寐題詩壁間

金輪石幢 上刻周聖曆年造

劉越石壇址 晉太尉劉琨進兵屯信安冀圖燕薊築臺與段匹碑敵血同盟翼戴王室壇在拒馬河之陰其址尚存

東安縣

安次城 在縣西北漢舊縣唐武德間移治石梁城

常道城 在縣西北魏文帝封宇文英爲常道鄉公卽此

石梁城 在縣東南唐武德移安次縣治於此

東安廢州 在縣西北金以前皆爲縣元陞爲州明洪武三年避水患移今治舊州城廢

安墟 黃帝時已有之在常道城

盧王屯 在常道鄉東南二十五里漢盧綰屯兵處

飛虹橋 在安次南漢元符二年建劉琨曾飲此

長慶宮 舊在廣平流遼天會三年移安次南五十里有大石橋以受宋諸國之禮今太平也其舊址也

崧州城 在縣治西北七十里遼稱城古喇王店卽今機察王是也

修市 漢名安次修市在古縣

行市 漢立縣在此至遼時移耿就橋

飛空故里 卽僊莊在安次縣南九十里一說

在半截河之南

馬莊 在縣治西十五里遼人牧馬之所今馬

子莊

尼姑口 何承矩言自海河至尼姑口屈曲百

二三十里天設險阻真地利也昔人講水戰之

地大爲要害

印臺 一名砥柱臺在縣南東沽港半截河之

西北接九河南連大海

省抑官 在安次南遼會同中建以禁妃嬪之

有犯者繚以高墻錮以重鎖置契丹軍千人以

守之元至元六年因后於東安州是也今名皇

后店初爲安次之邊防今屬武清縣境

待清樓 在安次北王禮村渾河東岸元皇慶

元年建常駐此修決河防行勞工禮

二士樓 在行市南宋楊存勛周伯蓋二士講

讀之所有志欲靖蕩中原聞元已入承大統棄

業而逃不知所終其樓相傳爲元人所毀

香河縣

晉王莊 在縣北十五里世傳李晉王克用率

衆歸唐明宗給地一區卽此

古城 在縣北五里唐太宗東征築以屯兵今

存遺址猶高五尺

義井 在縣東五里世傳本莊苦無水唐太宗

征高麗至此軍馬渴甚突然見井及二石槽槽

水清且甘足一軍用至今賴之其槽一名天槽

一名地槽

香河 在縣東里許俗名長溝雖盛暑時南之

覺有微馨邑之名由此

鐵佛堂 在縣東南十六里舊有鐵佛像極高

大鄉人夢欲別去因以鐵索繫佛手其佛遂之

東光彼處缺一手此處僅存一手

香城塔 在縣南二十里

白塔 在縣東北二里

百家灣 在縣北五里俗傳舊有一村聚姓百

家一家陰行善事夜夢神人謂是村誤吞龍魚

村東石獅眼紅村當爲沼汝宜速避人以爲妄

有好事者以紅脂塗獅眼給之夫婦亟徙去有

頃黑霧四塞村果陷故名百家灣形如半壁深

不可測至今晦冥猶聞雞犬聲一統志云雲霧

四起常聞有雞犬之聲者卽此也

通州

平谷城 在州北漢舊縣屬漁陽

安樂城 在州西北漢舊縣見杜氏通典及方

輿勝覽

古城 在州東八里甘棠鄉周匝四里相傳爲

前朝駐兵處卽漢潞縣故址

燃燈佛塔 景物略曰古有曰佑聖教寺者今

通州學宮也宮牆外片地故塔存焉塔級十三

高二百八十八尺圍百四尺中空供燃燈古佛塔

今剝盡所存膚寸則金碧琉璃也今人自謂曰

文巧已然此古塔工花紋野色澤後人實莫及

佛石佛也石面亦剝盡復存其坏未裝時塔有

碣楷書額續字間存周某號幾年於古者相譚

滑曰成周也佛法入中國先漢明帝時始三四

百年不知此北朝後周宇文氏也成周無建號

亦無今楷書塔別存石一方唐貞觀某年尉遲

敬德修又一方元至德某年篤烈圖進再修塔

頂一鐵箭貫之傳爲金將楊彥升射者天氣清

霽塔影飛五里外現白河水面蟻蟻搖搖然而

旁近河乃無影

通濟亭 在州東南王莽置

崔氏園亭 原屬鄆縣南小安村相傳邑人崔

禮仕金爲四鄉教授金亡隱居於此

瞭鷹臺 原屬鄆縣西南二十五里高十數丈

周圍一頂上有石碑元主駐蹕處

將臺 有三一在州西土阜高半里廣方半里

明洪武初徐達師至通州築臺駐軍或曰唐薛

仁貴征遼駐軍一在城北通京師東直門中路

俗傳慕容氏拜將臺

虛糧臺 在甘棠鄉堤子里有臺十餘座相傳

趙德鈞拒契丹因軍中乏糧築此臺以張聲勢

長城岡 在城北三里許俗傳秦蒙恬所築

長城遺址恐非

牧羊臺 在州城南詳見飲羊河

沙墩 在城南沙如山阜亘古不散

乾水門 在舊城西門迤北門已砌塞門外有

額書成治門三字今作火藥局

倒馬坡 在城北安德鄉相傳明都司平安倒

馬處

海子 在德安鄭水崗頃餘相傳平都司馬陷於此

神潛故宮 在城南二十里遼后妃從獵行宮也遺址尚存

放鷹臺 在城西四里相傳遼主遊獵所築遺址尚存

覓子店塔 在城東南二十里始建莫考塔下有泉通海僧欲募觀修塔鎮之未就

陰神觀碑 在大都東南數里鄧州地鄧州本漢泉州

通惠河碑 元翰林歐陽元文碑略首導昌平白浮之水次緒太行西山之麓會馬眼等諸泉

瀟瀟 瀟瀟為七里河東流入自城西水門匯集成潭又東並官牆環大內之左合金水河南流東至潞

水之陽南會白河又南會直沽入海凡三百里是為通惠河置閘二十有四延祐中易木以石云

南臺 在舊城南關土阜寬平如臺

獨秀園亭 在州北二里遼司徒郭世珍建今廢

新店石閣 在州西南二十五里今廢

柳林 在州西元主於至元十八年如鄧州又如柳林自後建行宮於柳林為遊畋之地

棗林 在州西北元至正十八年山東賊毛貴攻鄧縣至棗林遂掠柳林

長城 在州東北一里南抵武清北接通都即

長堤之異名也

下店 在潞河東

三河縣

英城 在縣西北三十里耶律英公城也

古城 在縣東三里

明道堂 在儒學內金時建元因舊址改為講堂今為明倫堂

武清縣

泉州城 在縣東南四十里元順帝嘗幸此遺址尚存

始皇堤 在縣西三里延袤數百里相傳長城遺址

元帥府 在縣治東即武清衛今廢

帥府家廟 在縣東南隅明改為儒學嘉靖十六年知縣趙公輔遷學於縣治之南嘉靖二十二年霸州兵備副使楊大章復遷於城舊學宮

毀於城外學田入豪右舊志之失也從茲始矣

甘泉 在縣治內泉水多苦惟舊學隆興寺城隍廟龍王廟四泉皆甘而學泉為最今舊學廢

泉洞今止存龍王廟泉餘俱廢

田村塔 在縣東北五里即今白家屯塔是也

古城 在縣東十里即今舊縣

三角淀 在縣南八十里舊有城池雲霧朦朧漁人每見城形四起城門宛然

寶坻縣

梁城 在縣東南一百四十里梁劉仁恭築即今梁城鎮

秦城 在縣南十里內有舍利塔金大定十年重建志云前大安時建

紅心堤 在縣東南二十里秦始皇所築以望海長百餘里雖海水盛潮不沒亦奇觀也

歇馬臺 在縣南五里相傳金章宗駐蹕處

義井 在縣治前今廢

蘆臺軍 在縣東南一百二十里後唐同光中劉守光劉守文相拒所置天祐十年晉王拔之有臺一座俗名將臺

淤泥河 在縣西北二十五里唐將羅士信征遼高開道失陷於此

糧河 在縣南五里古運河故道也元世祖以越海不便塞之今河形尚存

舊縣治 在縣東門內大覺寺處金大定十二年王誕創後遷今所

鹽使司 乃後唐權鹽院也故址即今儒學

透靈碑 在廣濟寺遼重熙五年立

朝霞寺 舊有朝霞晚照之景今廢縣西朝霞寺非其故址也

馬跑泉 在北塘口海堤北有泉泓然如馬跑狀土民曰唐王出兵至此人馬皆渴衆水鹹鹵不可食馬跑地得泉甘美異於他水泉雖一勺挹之不窮至今居民遠近胥取焉

海口雙臺 在北塘口明崇禎間建登臺眺望風濤浩瀚烟波無際洵宇內大觀

昌平州

軍都城 在州東南四十五里漢縣元魏移治

於東北二十五里
芹城 在州東三十里
宣中城 在州內學與演武場即其故址
舊昌平城 在今城西八里居民宛然
古長城 在鎮邊長城嶺秦築
鞏華城 在昌平州
諫議書院 在州西南五里元秦定間爲唐諫
議大夫劉賁建
沮陽故城 在州治東南四十里
古城 有一二在州西十七里一州東三十里
雙塔故城 在州西南十八里
大口故城 在州治東南五十里
仙人基 在州西北五十里駐蹕山巖下棋枰
棋子方圓完好可取可置但推之不動亦奇蹟
也
鐵釜 在州北二十里老君堂時現時沒移之
不動擊之不散
章宗房 在駐蹕山金章宗常遊息於此石屋
天成下有石牀繞以流漸
古疑城 在州治西北二十五里南小口之西
相傳遼蕭后曾屯兵於此
拴馬椿 相傳爲楊六郎拴馬處在馬跑泉上
祭堂 舊在溫泉之上今圯
樓雲嘯堂 在州西南三十里駐蹕山之南高
二丈許正北有石梯可上傍刻樓雲嘯堂四字
金章宗建亭於此
誦經臺 在銀山唐鄧隱峯誦經處

半截塔 在州東南四十里高丈餘本小末大
半截土中相傳爲飛來者
石經幢 一在州昭聖寺唐沙門不空譯劉詔
書一在舊昌平大街東沙門佛陀波利譯
灌頂石 危聳陡立莫由攀躋上有青石塔三
座大鐵瓦數片長可三四尺唐僧灌頂國師遺
跡
一人石 在神嶺上其石浮臥大可丈許一人
偶撼之便動數人極力推之絕不動仍一人則
復動
灌酪石 在駐蹕山前相傳金章宗在此打毬
自曰奈無人見須臾羣石皆起帝以酪灌之石
頂皆白至今猶有跡存者故名
仙枕石 在居庸關形類枕上刻仙枕二字傍
刻呂貴書世代莫考
燕窩石 在居庸關東山之巔形類盆下刻燕
窩二字相傳遼蕭后梳洗之處又名木盆石
范陽荒石 在永安河邊上刻一犬吠二鳳之
狀傍有范陽荒石四字
挂衣樹 在州東北七十里銀山爲唐鄧隱峯
挂衣處
寶槐 在州東北十里龍虎莊相傳爲禹鈞讀
書處槐其故物也偉幹輪囷廣可數十圍中空
漫以白堊地布以氈能容八九人坐而飲蚪枝
蓊鬱垂至地若墮若升好事者以漆杖撐之奇
特爲甚多遊人題咏近爲屯丁藥下物矣惟兵
部尚書劉餘佑石刻尚存

石室 在居庸關東戶屬屏風悉石也爲古之
候臺
長陵衛 領七所在州城內東北今廢
獻陵衛 領五所在州城內西南今廢
景陵衛 領五所在州城內南今廢
裕陵衛 領五所在州城內東今廢
茂陵衛 領五所在州城內東今廢
泰陵衛 領五所在州城內東南今廢
康陵衛 領五所在州城內東南今廢
未陵衛 領五所在州城內正西今廢
昭陵衛 領五所在州城內正東今廢
定陵衛 領五所以下有衛無署
慶陵衛 領五所無署
德陵衛 領五所無署
思陵 無衛
都察院 在大街西今廢
西察院 在州治西近城牆下今廢
翰林院 在儒學內劉諫議祠後凡內翰陪祀
到州必宿於此今廢
六科 在州譙樓西北今廢
十三道 在文廟今廢
順天府 在北城下今廢
太僕寺 在十三道西今廢
通政司 在十三道西今廢
刑部行臺 在六科東壁
戶部行臺 在州口南今廢
光祿寺 在譙樓南大街東第二巷今廢

吏部四司 在東察院西壁今廢

八景天峰拔萃 按州東十八里東山口之內
爲天壽山其山不甚大水繞山麓清奇可愛一
登山望遠近盡在目中相傳明成祖下陵時在
此祝萬壽因名嘉靖十五年世宗幸陵偶經此
山覽其勝樂在此山頂起建圓亭玉石欄干金
碧輝映迴園輒砌旋梯而上宛然仙境帝復親
題聖蹟二字顏其額因墮廢已久今易以陵關
晴霞

石洞仙蹤 按州北十五里紅門內之東有仙
人洞在山腰間石梯而下洞石皆倒垂奇怪下
爲平地洞內西壁有一門高四五尺闊二三尺
皆石棧牙而成近門上有一大石鐘倒懸可畏
門之內少入轉而南如夾道深黑不敢前觀者
咸稱奇異因仙蹤二字無指今易松濤二字
銀山鐵壁 按州北五十里爲銀山上有松菴
下有古寺山之極高峻處名中峰頂下瞰城市
屋宇如彈丸山之中麓有石如壁其色似鐵鐵
壁特立迥出雲霄殊爲奇觀昔爲唐僧鄧隱峯
藏修之處今有隱峰石刻銀山十味尙存
虎峪輝金 按州西十數里爲虎峪下有土岡
名小金山在西山口之內其山岡不甚大日午
人過山下衣面映如金邑勝國時有官兵防守
今撤

龍泉漱玉 按州東南五里有龍泉山上建都
龍王廟山之東麓泉湧山下石實潔迥如玉噴
吐清冽可愛州之遊觀者無間四時蓋以此爲

便云

安濟春流 按州南三十里沙河店有安濟橋
橋跨河流漁舟往來春沂可愛河之東由史家
橋以達路河每遇大雨時行水長往往客舟直
抵此橋今一望荒涼易以垣崖雙瀑
居庸霽雪 按州西三十里爲居庸關而關居
州之上遊關內道由中而上公私房舍分列兩
山數級而上每遇雪霽之後登城而望悉如銀
錦層鋪頗壯嚴關之麗
松蓋長青 按州東門外乃勝國時備補各陵
樹栽今已斫伐無餘易以神樹千峯

順義縣

南河舊城 在縣東南三十里

呼琴舊城 在縣東北三十里相傳鄧禹子調

屯兵處

軍都舊城 在縣西三十里義店北

土垠舊城 在縣北門外里許

安樂郡舊城 在縣西北六里良牧署

密雲縣

漁陽城 在縣西南二十里秦發閭左戍漁陽

卽此

共工城 在縣東北五十里卽舜流共工處

華林莊

天柱莊 俱在縣南十五里黍谷山遼時建亭

臺池沼爲遊息之所

金溝館 在縣東北五十里宋王曾上契丹書

由檀州至金溝館卽此

安樂城 在縣東北五十里後漢置安樂縣址

存

黍穀院 在縣風臺之南卽鄒衍分別黍穀之

處

看花臺 在縣西大水谷三十里蕭后登臺賞

花址尙存

釣魚臺 在縣東北五十里共工城東三里俗

傳共工遊息處

土垠縣 在縣東一百里陳官山下今址存

鄒衍廟

燕山寶家莊 在縣東四十里後周人寶禹鈞

修德積善五子登第

元太子寨 在縣北三十里平頂山上址猶存

懷柔縣

風臺 在縣東南四十五里北屋莊鄒衍祭風

之處上有風洞洞口風聲凜冽身不敢近至今

土人祭賽

漿水洞 在縣東北百餘里深山中洞旁出水

如漿酌之不絕不酌不溢旁有人掌痕俗曰佛

掌也

燕城

廟城 在縣東北二十里

去縣甫五里不知築于何代俗傳蕭后

家廟

仙臺

孤臺 在縣北三里高十餘丈舊有金勝寺塔

一座俱廢

涿州

樂城 在州東二十里遼時築

田城 在州東二十里遼時築

西鄉城 在州西北二十里又名都鄉漢縣

樓桑村 在州西南十五里道右大桑高五丈

層陰如樓陰可十畝漢昭烈故居也昭烈見時

與宗中兒戲桑下指謂帝王羽葆後因名村經

千五百年矣今樹無存旁有昭烈古廟唐建寧

五年建昭烈廟本傳幼指桑樹言曰吾當乘此

失其志云云

張桓侯故居 在州東北數里又西五里有桓

侯洗馬潭

鄆亭 在州西南樓桑村南三里後魏鄆道元

故居按夢餘錄道元水經注云鄆亭溝水上承

督亢溝歷紫淵東余六世祖樂浪府君自涿之

先賢鄉爰宅其陰西帶巨川東歷茲水其水東

南流名之爲鄆亭溝道元蓋世居于此也道元

襲父範末享侯爵執法清刻治尚威猛歷有能

稱好學博覽古圖書所注水經四十卷本志十

三卷行世

邵村 在州西北十里康節故里

北臺村 在州東三里宋太祖故里今爲清涼

寺

姚莊 在州西北里許漢桓侯張飛生於此遺

址尚存行人呼爲張飛店

督亢陂 在州東南十五里燕太子丹遺荆軻

獻秦王圖即其地陂有故亭址高丈餘周七十

餘步土人稱之曰督亢亭今名海龍祠

汾門 在州西南十里對長城門謂之汾門史

記世家孝成十九年趙與燕易以龍兌汾門與

燕燕以葛城武陽與趙即此又謂之梁門易水

東分爲梁門坡

燕昭王臺 在州西南五十里昭王嘗求仙於

此臺東有三峰甚高峻騰雲冠峯高霞翼嶺岫

壑冲深含烟鎖霧

展臺 在州西南相傳燕昭王嘗展禮於此

華陽臺 在州城內舊傳燕太子丹與樊將軍

置酒華陽館出美人奇馬即此處

廣陽城 在州西南十五里後漢劉良封于此

鐵柱 在州西北三十里大禹治水管纜舟于

此其山遂名鐵柱

漢崔寔頌德碑 在涿州大鴻臚袁隗撰寔字

真長桓帝時爲尚書免歸著月令十二篇

晉康王碑 在涿州

范陽王城廟碑 在涿州

范陽王誨碑 在涿州孝武帝太元九年

唐紫陽觀碑 元宗御製在涿州道士邊洞元

修真成仙於此

重修蜀先主廟記 金王庭筠書在涿州先主

廟中

房山縣

賈島庵 在縣西南十五里唐賈島宅址尚存

景物略曰房山縣南十里峯然而土埠唐詩人

賈島墓也榛蕪不可識弘治中御史盧某訪得

於石樓村讀小斷碑有據乃植碑闢地三畝大

學士李西涯別樹一碑記焉

五侯村 在縣西南二十里漢光武封王興五

子爲侯居此

玉室洞天 在縣北七十里張良辟穀處有獨

橋十八灘

鐵鎖崖 在縣西南七十里相傳夏禹王治水

於此今斷崖上尚有鐵線下垂

大安館 在大安山上五代劉仁恭建仁恭師

方士王若誦學煉丹羽化之術遂創宮觀置玉

河縣以供給之

瑞雲宮 在縣西北二十餘里金太祖陵側址

尚存

文靖書院 在縣西南七十里祀元容城郡公

劉因因容城人文靖其諡也時考亭之學未行

於北而因獨窺其奧因之弟子總管趙密教授

賈壤得因之說以教房人乃建書院與祠奉之

取其諡以爲賜額云

金章宗歇涼臺 在縣西二十里茶樓頂上

呆漢臺 在縣北十二里上多雲霧世傳曾有

仙人著棋於此有樵夫旁觀爛其斧柯

龍門臺 在縣南二百里四面皆山淵深莫測

內有一竅上建龍神廟

皇后臺 在縣西南二十里臺下有龍潭碑記

存焉

釣魚臺 在縣西北二十里馮賢隱退垂釣于

此

隋房山石經 開皇中釋靜琬鑿石刻經一藏

僅成而卒唐宋皆有續刻

香樹林 在縣內

霸州

南關城 相傳趙武靈王築因朝鮮有關城加南字

益津城 在州治東金置縣明省入州址存

平曲城 在州東二十五里漢景帝封公孫渾邪爲平曲侯即此

信安城 在州東五十里五代周立寨於此宋升爲信安軍金降縣後置鎮安府元省今廢

拆城 在州東八十里宋楊延朗屯兵處明更曰策

三權場 宋端拱二年詔雄霸安肅軍置三權場以貿易

復城 信安城三十里

舊運河 在城南二里許元之漕河故道下達天津今淤

益津關 本唐幽州末清縣地後周復以其地置霸州

草橋關 在城北一里宋遼分界處楊延朗建

淤口關 在城東五十里周顯德六年置今廢

雙柳二寨 在城西南八里二寨東西相去十

里

莫金口寨 在城南十五里漢公孫弘所封之

地

莫金橋 宋楊延朗建

蘇家橋 在城東二十里相傳宋蘇洵建

引馬洞 楊延朗治自州城中通雄縣相傳延朗潛以出師者

益津書院 在城南宮家莊元宮君祖建合韓謝二莊子弟肄業其中時學士黃縉記

護城井 在州城中沿城共井七十有二宋楊延朗所鑿值隆冬甲士汲水澆城敵疑不敢進今廢僅存者郡人汲焉

石橋 在信安鎮北宋楊延朗建

霸臺 周宋時將臺在州治後今圯

文安縣

廣陵城 在縣北十七里五代史云劉海蟾廣陵人即此又爲宋積粟處

舊文安城 見後漢書文安令度公傳在今縣東北有漢令趙夔祠

相公莊 唐工部尚書張仁憲故里碑有祠

雀臺 在縣西十八里相傳趙李牧守邊時築

匏瓜亭 在縣西一里許元時侍郎趙文清公故里

大觀閣帖碑 在縣儒學內宋徽宗手臨上石

蘇橋 在縣北四十里河邊宋蘇洵曾爲文安簿此其故蹟

雙槽 在縣東門外月嚴寺後蒼虬古觀並立

干霄相傳爲漢時所置

孟母臺 在柳河下有洞深莫測傳爲宋將孟

良藏母處

長城 在邑東南延袤幾百里其創建無考然

秦始皇起自臨洮遶東至遼海築長城戰國趙

武靈王亦築長城今韓村有元勅建法雲寺碑陰曰寸金堤畔古佛堂當是燕趙之界域也

宋史文安有劉家溝刀魚口莫金口阿翁雁頭

黎陽喜過鹿角八砦元豐四年割鹿角砦屬信

安軍政和二年改劉家溝砦曰安平阿翁曰仁

壽鴈頭曰和寧喜過曰喜安八砦皆趙宋所置

以備不虞者

大城縣

舊城 相傳城北土壘迴折處

麒麟窪 在縣北里許耕牛產麟

仙人洞 在縣南昔年洞開人入深不可測後

失口尋不可得

孝順窪 在縣西相傳唐太宗征高麗萬馬飲

此不涸故名

鳳凰臺 在城南春日晴明堪以遠眺

五龍潭 在玉皇廟後匯水半畝餘見五龍出

沒今涸

清風井 在縣西牛村因牛烈女投井全節得

名

保定縣

二里城 在縣東北宋時積糧於此

將臺 在縣西南楊延朗演武處

桃花寨 去城二里相傳宋楊延朗築今稱爲

桃花漫

柏木橋 在城南二十里相傳舊有何行者病

涉將河濱古柏數丈餘倒植河中往來競渡

張青口 衆流中一凸千艘來集爲三府行鹽